

Johr fier Johr!

Wie e goldisch Zwillingsspärche
soh die „88“ aus
doch, als Kathastrofejähre,
braacht se net vill Fraid ent Haus.

Jetzt wierd alles widder eckisch
„89“ es net rond!
Hoffnungsvoll on besje geckisch -
sein die Leit - aus goodem Grond.

Junges Johr get Mot zom Hoffe,
jeder hat sein stelle Wönsch'
„89“ es noch offe,
wat et brengt, waiß hei kai Mensch.

On su gicht dat Leewe weiter
Daach fier Daach on „Johr fier Johr“
gester schroh on morje heiter,
wat vurbei es - dat bleift wohr!

Aus Vergangenem zo liehre
es stets fier die Zokonft good!
Wenn et auwer ernst soll wiere
es die „Liehr“ en ahle Hoht.

„Su wor et zo alle Zeite“
säht dä Schängel zo dämm Liß,
„Ensicht kimmt von alle Seite -
maistens nur von Schniße zo Schniße“!
Katharina Schaaf

2. Jan. 1989 Kath. Schaaf